

淮陰志徵訪稿



民國淮陰志徵訪稿目錄

邑人 徐鍾令 採訪

卷之一

詔諭志一

卷之二

上下

宸章志二

地理志三

圖一附說

疆域二

山川三

淮陰志徵訪稿

目錄

一

村鎮四

物產五

沿革表六

封建表七

卷之三

上下

河渠志四 水道 隄閘 水利

經政志五

戶口一

田賦二

祿餉三



鹽法四

倉儲五

權稅六

蠲卹七

祀典八

公署九

交通十

警察十一

卷之四下

學校志六 學宮一 學宮二

淮陰志徵訪稿

目錄

二

武備志七 兵制一 兵制二 兵制三

卷之五

故事志八

大事略一 巡幸

兵事略二

古蹟三

故城鎮一

署宅二

陵墓三

祠宇四



寺觀五

雜事四

志事一

釋道二

災祥三

卷之六

官師志九 傳 補遺 清代官師武營表三

卷之七

人物志十

先賢一

淮陰志徵訪稿

目錄

三

名賢一

宦蹟二

武功三

忠節四

附辛亥烈士

孝義五

附流寓

儒林六

附流寓

文苑七



方技

列女

節婦上

節婦下

補遺

附流寓

孝婦

壽婦

賢母

烈婦上

淮陰志徵訪稿

目錄

四

附流寓

烈婦下

烈女上

烈女下

貞女

附流寓

孝女

選舉表四

鄉飲

徵辟



吏階

武階

吏階補遺

卷之八

藝文志十一

紀述本地事之書一

本地人著述二

補遺

金石三

淮陰志徵訪稿

目錄

五



民國淮陰志徵訪稿卷之一

邑人 徐鍾令



詔諭志一

吳赤烏元年贈步皇后策命

事詳丙子縣志卷二十六

惟赤烏元年閏月戊子皇帝曰嗚呼皇后惟后佐命  
共承天地虔恭夙夜與朕均勞內教修整禮義不愆  
寬容慈惠有淑懿之德民臣縣望遠近歸心朕以世  
難未夷大統未一緣后雅志每懷謙損是以於時未  
授名號亦必謂后降年有永永與朕躬對揚天庥不  
寤奄忽大命近止朕恨本意不早昭顯傷后殂逝不  
呼哀哉

明

洪武三十五年加陳瑄平江伯制

文詳金石

宣德八年遣官諭祭平江伯文

文詳金石

萬曆七年遣官諭祭葬吏部左侍郎丁士美文

文詳金石

淮陰志徵訪稿

詔諭



清

順治二年免租詔

按清代免租之詔多不勝書茲擇錄以見其概

（上略）特宏大賚嘉與維新其河南江北江南官民註誤咸赦除之從前橫征逋賦悉行蠲免大軍所過免今年稅糧之半餘免三分之一

康熙二十八年免租詔

朕南巡以來軫念民依勤求治理頃至江南境上所經宿遷諸處民生風景較前次南巡稍加富庶朕念江南財賦甲於他省素切留心因尚有歷年帶征錢糧恐為民累出京時曾詢戶部知全省積欠約有二

淮陰志微訪稿

詔諭

二

百二十餘萬今親歷茲土訪知民隱無異所聞除江南錢糧已與直隸各省節次蠲免外再加江南全省積年民欠一應地丁錢糧屯糧蘆課米麥豆雜稅概與蠲除自此民免催征官無參罰爾督撫務須切實奉行俾均霑實惠副朕愛恤民生至意如有以完作欠侵收肥己等弊一經發覺定行從重治罪夫民為邦本足民即以富國朕平日躬行節儉一絲一粟未嘗輕費所以如此簡約者無非愛養物力為優恤元元之地在民間惟正之供軍國所需豈易驟言蠲免邇年國用少裕故能頻沛恩施總期藏富於民使家



給人足則禮讓益敦庶漸臻雍穆之治著速行傳諭  
咸知朕意 諭兩江總督傅拉塔等

三十一年蠲免漕糧詔

朕撫馭區宇三十年以來早夜圖維惟以愛育蒼生  
俾咸臻安阜為念比歲各省額錢糧已次第蠲豁其  
歲運漕米向來未經議免朕時切軫懷所有京通各  
倉米穀撙節支給數載於茲今觀歷年儲積之粟恰  
足供用應將起運漕糧逐省蠲免以紓民力除河南  
省明歲漕糧已領諭免征外湖廣江西浙江江蘇安  
徽山東應輸漕米著自康熙三十一年始以次蠲免

淮陰志徵訪稿

詔諭

三

各一年至江寧京口杭州荊州大兵駐防地方亦應  
預行積貯著將康熙三十一年起運三十年漕米各  
截留十萬石存貯倉廩令該地方官敬慎守視以備  
需用 戶部

三十八年修浚清口詔

朕留心河務體訪已久此來沿途坐船外審視黃河  
之水見河身漸高登堤用水平測量見河較高於田  
行視清口高家堰則洪澤湖水低黃河水高以致河  
水逆流入湖湖水無從出泛溢於興化鹽城等七州  
縣此災所由生也治河上策惟以深濬河身為要諸



臣並無言及此者誠能深濬河底則洪澤湖水直達黃河七州縣無泛濫之患民間田產自然涸出不治其源徒治下流終無益也今朕親閱下河通海之口及射陽湖一帶填淤之處于成龍所帶效力人員甚多可作速分委併力開濬蓄積之水倘能稍洩庶幾有益至於黃淮二河交會之口過於徑直所以黃水常逆流而入今宜將黃水南岸近淮之隄更迤東長二三里築令堅固淮水近河之隄亦迤東彎曲拓築使之斜行會流則黃河之水不致倒灌入淮矣再河流不迅急無以刷去河底之沙朕詳加詰訪河直則

淮陰志徵訪稿

詔諭

四

溜自急溜急則沙自刷而河自深宜於清口西數曲灣處試行濬直有益漸將上深曲處漸加直濬庶幾黃河之險自除而河底漸深洪澤湖之水漸出七州縣之水患可漸息矣清口應修之處著于成龍等繪圖呈覽 諭大學士等

同年三月巡視河湖酌定應辦工程詔朕念河道國計民生攸關親行巡幸由運河一帶以至徐州迤南細加看閱見黃河底高灣多以致各處受險至歸仁隄高家堰運口等處見各隄岸愈高而水愈大此非水大之故皆因黃河淤墊甚高以致節



年漫溢若治河僅築隄防不將黃河刷深終屬無益  
且運口太直黃河倒灌兼之湖口淤墊以致清水不  
能暢流各河與洪澤湖之水如何能敵黃水若將清  
河至惠濟祠埽濟由北岸挑引從惠濟祠后入河而  
運河再向東斜流入惠濟祠交匯黃水自然不倒灌  
朕欲將黃河各險工頂溜灣處開直使水直行刷沙  
若黃河刷深一尺則各河之水淺一尺深一丈則各  
河之水淺一丈如此刷去則水由地中而行各堤亦  
可不用不但運河無從泛濫之虞而下河淹沒之患  
似可永除矣且攔黃堤彎曲馬家港窄狹雖將時家

淮陰志徵訪稿

詔諭

五

馬頭之口堵築而淮水不能暢流山陽南岸韓家莊  
等處險工甚屬可虞今應將清口之西堤台添挑水  
堤比東堤台加長包裹清口在內擇洪澤湖水深之  
處開直成河使湖水流出自黃河彎曲之處直挑引河  
使各險處不得受衝其攔黃堤應行拆毀時家馬頭  
決口俟黃水流定汰黃隄築成之日再行堵塞至歸  
仁堤之建專為毛城鋪等處水漲衝決於此攔回仍  
歸黃河之意此堤亦應酌量修築爾等是河臣河務  
是爾等專責務必將各州縣水災盡除方不負朕南  
巡救民之至意若挑挖引河原有工程仍照舊令各



官作速修防不可怠忽下河見有積水不可不引出  
歸海俟引河工竣黃水歸入故道后再將下河串場  
河射陽湖蝦鬚沙溝一帶挑通引積水流歸海庶  
河道永無衝決之患矣 諭漕運總督桑額等

四十年七月為開六埧事切責河督張鵬翮詔

前總河于成龍具奏欲將高家堰六埧堵塞蓄湖水  
以敵黃水疏通清口因遣尚書范承勛等堵塞六埧  
此非張鵬翮到任之后始行堵塞頃因巡撫高承爵  
奏報泗州盱眙水災朕敕張鵬翮會同江南總督阿  
山踏勘情形將泗州盱眙泛溢之水設法修治作何

淮陰志徵訪稿

詔諭

六

賑濟蠲租令其奏聞又以洪澤湖水泛漲高家堰隄  
工恐致危險若高家堰至於危險淮安揚州等處皆  
被淹沒高家堰隄作何保守堅固更有何修治善策  
著張鵬翮陳奏乃張鵬翮託病未往泗州盱眙復奏  
稱泗州盱眙水災自古已然即六埧全開泗州等處  
亦被水災且六埧既開之后水不東注高郵寶應興  
化泰州山陽鹽城江都等州縣田地涸出民得耕種  
皆河伯效靈所致等語朕著張鵬翮會同阿山將泗  
州盱眙泛漲之水作何設法築隄幫修或賑或蠲俱  
有益於災黎並非欲開高家堰六埧救泗州盱眙之



民而令淮揚百姓罹於水災也朕念黃河運河關係國計民生三次看閱河工屢次簡任河臣修築隄岸每歲不惜數百萬帑金夏間雨水時晝夜憂慮不時遣人看視凡被水之處截留漕米盡出倉糧賑濟總為拯救災黎豈止救泗州盱眙之災而淮安揚州等處百姓聽其罹災乎朕念四海一家淮揚盱泗之民一也今歲自正月至六月滴雨未降黃河水消二丈有餘張鵬翮與衆河官乃謂清口水出皆賴河伯效靈伊等効力所致此實因黃河水小清口之水幸而得出並非伊等効力之所致也統一天下之主坐視

災黎不為拯救有是理耶覽張鵬翮奏章昏瞶已極著將朕諭旨及張鵬翮所奏一併刻示於淮安揚州泗州盱眙等處令衆人觀看 諭大學士等

四十二年獎勉河臣詔

黃淮兩河關係運道民生最為重要朕念治河國家大事夙夜屢懷未嘗少釋披圖咨衆雖已悉其源流顧水勢變遷不常必真知洞悉方可實見施行是以不憚勤勞屢親巡閱察其險易之形勢審其疏導之機宜緩急次第具有成畫至於簡命河臣倚任甚切凡所屬官吏皆聽選用大修工程費以數百萬計歲



修帑金亦以數十萬計乃康熙三十七年黃淮並漲  
總河董安國不堅築隄堰疏通海口因而河身墊高  
溢出河岸以致倒灌洪澤湖口湖水從六堤旁洩由  
運河入下淹河沒民田於是罷董安國以于成龍代  
之朕隨授以治河方略詳加指示三十八年親往閱  
河駐蹕清口河干又面諭于成龍清口宜築挑水堤  
挑黃水使趨北岸方可免黃水倒灌之患隨指定其  
地再三申命于成龍不遵朕旨致無成功及用張鵬  
翮為河道總督面諭云頃以發帑數百萬令大臣官  
員往高堰築隄開六堤使逼洪澤湖水暢出清口而

淮陰志徵訪稿

詔諭

清口築挑水堤尤為緊要此堤不築則黃水頂衝斷  
不能使向北岸湖水不能暢流張鵬翮遵朕言興工  
築成黃溜遂直趨陶莊清水因以直出疊經伏秋大  
漲並無倒灌之事其後張福口引河築歸仁隄疏人  
字芒稻涇澗等河開大通口皆遵朕旨一一告竣今  
年春朕閱河至桃源見龍窩等處頂衝危險命增築  
挑水堤此時堤工刻日訖事河事遂平河仲莊橋口  
以與清口相對特命改由楊家莊漕輓安流商民利  
濟曩時黃水泛漲或與岸平或漫溢四出今黃河深  
通河岸距水面丈餘縱遇大漲亦可無虞矣張鵬翮



所修工程雖悉經朕裁斷而在河數載殫心宣力不辭艱瘁又清潔自持一應錢糧俱實用于河工無纖毫浮耗朕心深為喜悅所屬大小河員并皆勉力赴工共襄河務亦屬可嘉自總河以下各官爾二部即詳加議敘具奏

諭吏工二部

四十六<sup>年</sup>三月加贈靳輔太子太保詔

朕廑念河防屢行親閱凡自昔河道之源流及歷來治河之得失按圖考蹟靡不周知粵從明季寇氛決黃灌汴而洪流橫溢歲久不治迄於本朝在河諸臣皆未能殫心修築以致康熙十四五年間黃淮交敵

淮陰志微訪稿

詔諭

九

漸淤河事幾於大壞朕乃特命靳輔為河道總督靳輔自受事以來斟酌時宜相度形勢興建隄埝廣疏引河排眾議而不撓竭精勤以自效於是淮黃故道次第收復而漕運大通其一切經理之法具在雖嗣后河臣互有損益而規模措置不能易也至於初開中河以避黃河一百八十里波濤之險因而漕輓安流商民利濟其有功於運道民生至遠且大朕每蒞河干遍加諮訪沿淮一路軍民感頌靳輔治績者眾口如一久而不衰夫人臣有大建樹於國家者獎勵酬庸宜從優渥雖賜卹易名已循彝典尚應特予褒



敘賁以殊恩靳輔著加贈太子太保仍給世職拜他喇布勒哈番用彰朝廷追美勞臣之典為矢忠宣力者勸諭吏部

雍正七年發帑遣修高家堰詔

朕思治河之道惟有使黃水暢流無所壅滯則永慶安瀾然欲使黃水無所壅滯必須保固高家堰隄工使清水力能敵黃且以助其暢流之勢則河工永遠無慮是高堰隄工關係最為緊要從前齊蘇勒雖將石工稍加幫修而朕以為不若多費帑金於隄工險要之所及單薄之處俱加修石工務令堅固高厚以

淮陰志徵訪稿

詔諭

十

為久遠之計庶於河道民生大有裨益前孔毓珣在京陛見時朕以此諭之伊亦深以為然又曾將治河之道降旨詢問田文鏡而伊之所奏與朕意不謀而合可見高堰隄工乃必應加增修理者也着發戶部帑銀一百萬兩交與孔毓珣尹繼善等畫相度有應預備物料之處即於歲內採買為預備再着汪滢對琳張坦麟吳昌祚前往淮上協同河臣等悉心辦理乾隆四年正月賑災詔

上年江南地方收成歉薄民食維艱朕宵旰焦勞多方籌劃惟恐一夫不獲其所其賑濟之利據該督撫



定議極貧之戶口賑四個月次貧者賑三個月又次者賑兩個月俱以本年二月為止朕思三四月間正青黃不接之際在官倉雖有平糶之米而無力之貧民仍苦糶買無資難以糊口良可軫念下江地方著將極貧之民加賑一個月上江去歲歉收較下江為甚着將被災五分以上之州縣加賑極貧次貧者一個月被災四分以上之州縣加賑極貧者一個月該部可即行文該督撫預先籌辦米穀並飭有司實力奉行俾閭閻均沾實惠

二十二年二月過清河令為祠祀高斌詔

淮陰志徵訪稿

詔諭

十一

原任大學士內大臣高斌前任河道總督時頗著勞績即如毛城鋪所以分洩黃流高斌設立徐州水誌至七尺方開后又不用其法遂至黃弱沙淤隱貽河患其於黃河兩岸汕刷支河每歲冬季必督率廳汛實力填築近年司工疏忽因有孫家集奪溜之事至三滾堤洩洪湖盛漲高斌堅持堵閉是以數年之間下游州縣屢獲豐收其功在民生自不可泯至於癸酉張家馬路及運河二閘之法則又其果於自信抑且年邁志滿之失朕不得不治其罪而要其瑕瑜自不相掩在本朝河臣中即不能如靳輔而較齊蘇勒